



Broj: 07-11-1441/21
Vogošća, 13.12.2021. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 13.12.2021. godine donio je

**ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE IZRADE
GLAVNOG PROJEKTA VODOSNABDIJEVANJA NASELJA POTUROVIĆI I LJUBINA, NA
PODRUČJU OPĆINE VOGOŠĆA**

Član 1.

Ponuda ponuđača "Zavod za vodoprivredu" d.d. Sarajevo, ulica Paromlinska broj 53E/I. Sarajevo, odabrana je za pružanje usluge izrade Glavnog projekta vodosnabdijevanja naselja Poturovići i Ljubina, na području općine Vogošća, kao prvoplasirana na Rang listi, sa ponuđenom ukupnom cijenom nabavke u iznosu od 15.412,00 KM bez uračunatog PDV-a, odnosno 18.032,04 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 04.10.2021. godine donio Odluku o pokretanju Otvorenog postupka nabavke usluge izrade Glavnog projekta vodosnabdijevanja naselja Poturovići i Ljubina, na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 07.10.2021. godine pod brojem: 1353-1-2-186-3-143/21.

Sažetak Obavještenja o nabavci objavljen je u "Službenom glasniku BiH" broj: 63/21 od 15.10.2021. godine.

Tendersku dokumentaciju sa Portala javnih nabavki BiH je preuzelo 28 (dvadeset i osam) ponuđača.

Krajnji rok za dostavu ponuda bio je 01.12.2021. godine do 16:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 01.12.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1441/21 iz oktobra 2021. godine i Izmjenama TD broj: 07-11-1441/21 iz novembra 2021. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 6 (šest) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Ibis" d.o.o. Zavidovići	16.870,00	/	/	19.737,90
2	"Zavod za vodoprivredu" d.d. Sarajevo	15.412,00	/	/	18.032,04
3	"Radis" d.o.o. Istočno Sarajevo	16.900,00	/	/	19.773,00
4	"Centar za projektovanje i konsalting" d.o.o. Banja Luka	16.425,00	/	/	19.217,25
5	"HKP consulting" d.o.o. Banja Luka	18.000,00	/	/	21.060,00
6	"Routing" d.o.o. Banja Luka	23.100,00	/	/	27.027,00

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Routing" d.o.o. Banja Luka ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod a) TD je zahtjevano da je ponuđač u posljednje 3 (tri) godine računajući od dana podnošenja ponude, kao pružalac usluga uspješno realizovao minimalno 1 (jedan) ugovor čiji je karakter i kompleksnost isti ili sličan onom koji se odnosi na predmetnu nabavku u ukupnom iznosu od 26.000,00 KM bez uračunatog PDV-a ili više pojedinačnih ugovora u ukupnom zbiru od 2.000,00 KM bez uračunatog PDV-a.

Ponuđač "Routing" d.o.o. Banja Luka je u svojoj Ponudi (strana 63-65. Ponude) kao dokaz za traženo dostavio Potvrdu o uredno izvršenom Ugovoru broj: UNDPBIH-20-109-MEG-ZZVS-S (Preparation of the Preliminary and Detailed Design for Construction of Main Transmission Water Supply Line and Distribution Network, Municipality Oštra Luka) a kojeg je uspješno realizovao Konzorcij "Zavod za vodoprivredu" d.d. Sarajevo, "Ibis inženjering" d.o.o. Banja Luka & "Routing" d.o.o. Banja Luka, izdatu od United Nations Development Programme Bosnia and Herzegovina (UNDP) od 25.03.2021. godine, kao i Potvrdu broj: 05-370-2020/20 od 18.03.2020. godine, izdatu od Grada Banja Luka. Iz dostavljenih Potvrda Komisija za javne nabavke Općine Vogošća je utvrdila da ponuđač "Routing" d.o.o. Banja Luka nije dokazao da ispunjava jasno postavljene zahtjeve ugovornog organa iz tačke 7.4.1. pod a) TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača:

- "Ibis" d.o.o. Zavidovići,
- "Zavod za vodoprivredu" d.d. Sarajevo,
- "Radis" d.o.o. Istočno Sarajevo,
- "Centar za projektovanje i konsalting" d.o.o. Banja Luka i
- "HKP consulting" d.o.o. Banja Luka

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računaska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Nakon svega iznesenog, Komisija za javne nabavke je sačinila Rang listu u Otvorenom postupku nabavke usluge izrade Glavnog projekta vodosnabdijevanja naselja Poturovići i Ljubina, na području općine Vogošća kako slijedi:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a	UKUPNA CIJENA (KM) sa PDV-om
1	"Zavod za vodoprivredu" d.d. Sarajevo	15.412,00	/	/	18.032,04
2	"Centar za projektovanje i konsalting" d.o.o. Banja Luka	16.425,00	/	/	19.217,25
3	"Ibis" d.o.o. Zavidovići	16.870,00	/	/	19.737,90
4	"Radis" d.o.o. Istočno Sarajevo	16.900,00	/	/	19.773,00
5	"HKP consulting" d.o.o. Banja Luka	18.000,00	/	/	21.060,00

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Zavod za vodoprivredu" d.d. Sarajevo, za pružanje usluge izrade Glavnog projekta vodosnabdijevanja naselja Poturovići i Ljubina, na području općine Vogošća, kao prvoplasiranom na Rang listi, sa ponuđenom ukupnom cijenom u iznosu od 15.412,00 KM bez uračunatog PDV-a, odnosno 18.032,04 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

- | | |
|---|--------------------|
| 1. "Ibis" d.o.o. Zavidovići | 032/866-469 |
| 2. "Zavod za vodoprivredu" d.d. Sarajevo | 033/728-622 |
| 3. "Radis" d.o.o. Istočno Sarajevo | 057/343-136 |
| 4. "Centar za projektovanje i konsalting" d.o.o. Banja Luka | 051/492-411 |
| 5. "HKP consulting" d.o.o. Banja Luka | 051/263-029 |
| 6. "Routing" d.o.o. Banja Luka | info@routingbl.com |
| 7. Nadležnoj Službi | |
| 8. U dosije | |
| 9. a/a | |



OPĆINSKI NAČELNIK

Edin Smajić
Edin Smajić